

Na osnovu člana 61. stav (2) Zakona o upravi („Službeni glasnik BiH“ br. 32/02, 102/09 i 72/17) i člana 3. stav (2) Odluke o osnivanju nagrade „Denis Mrnjavac“ za promociju tolerancije i nenasilja („Službeni glasnik BiH“ broj 4/23), Ministarstvo za ljudska prava i izbjeglice Bosne i Hercegovine, objavljuje

**JAVNI KONKURS ZA IZRADU IDEJNOG RJEŠENJA IZGLEDA SKULPTURE NAGRADE
„DENIS MRNJAVAC“
ZA PROMICANJE TOLERANCIJE I NENASILJA**

I. Objavljuje se Javni konkurs za izradu idejnog rješenja nagrade „DENIS MRNJAVAC“ za promicanje tolerancije i nenasilja.

II. Javni konkurs provodi se sa ciljem izrade idejnog rješenja za jedinstvenu skulpturu „DENIS MRNJAVAC“ koja bi se bi se kao posebna nagrada dodjeljivala učenicima zaslužnima za promicanje tolerancije i nenasilja.

III. Opći uslovi

Na Javnom konkursu mogu učestvovati svi građani Bosne i Hercegovine.

Idejno rješenje na Javni konkurs mogu prijaviti pojedinci ili sa saradnicima.

Konačnu odluku o odabranom idejnom rješenju donosi Komisija za odabir najboljeg idejnog rješenja koju će formirati Ministarstvo za ljudska prava i izbjeglice Bosne i Hercegovine.

Svaki od učesnika ima pravo učešća na Javnom konkursu sa jednim ili najviše dva prijedloga.

Prijedlozi idejnog rješenja moraju biti autentična djela koja nikad ranije nisu korištena niti predstavljena u javnosti. Također, i radovi i autori se mogu javno prezentirati tek nakon objave rezultata Javnog konkursa.

Ministarstvo za ljudska prava i izbjeglice Bosne i Hercegovine zadržava pravo izmjene, dopune i poništenja Javnog konkursa.

Izrazi u muškom rodu koji se u ovom Javnom konkursu koriste odnose se na osobe oba spola.

IV. Smjernice za izradu idejnog rješenja

S ciljem ujednačavanja prijavljenih idejnih rješenja skulpture nagrade „DENIS MRNJAVAC“ za promicanje tolerancije i nenasilja“, učesnicima se daju sljedeće smjernice:

1. Idejno rješenje mora biti izrađeno u fizičkom obliku omjera 1:1 izvedbenom rješenju, te može biti izrađeno u bilo kojem materijalu i tehnici za koju autor/i procijeni/e da će jasno prikazati i predstaviti izgled i materijal finalne skulpture. Materijal, veličina i težina finalna skulpture-nagrada „Denis Mrnjavac“ svojim materijalom, veličinom i težinom mora biti prihvatljiva za rukovanje - što znači da ni u jednoj od svojih dimenzija ne smije prelaziti 30cm, a težinom mora biti ispod 3,5kg.
2. Idejno rješenje mora:
 - sadržavati riječi: „Nagrada Denis Mrnjavac“ i dio na kojem je moguće upisati ime i prezime nagrađenog učenika;
 - biti prepoznatljivo i originalno djelo koje svojim simboličkim i vizuelno-estetskim kvalitetima odgovara načelima „tolerancije i nenasilja“ - vrijednostima na temelju kojih se ova nagrada koncipira i dodjeljuje.

V. Način prijave

Prijava na Javni konkurs mora sadržavati:

1. Idejno rješenje skulpture u fizičkom obliku – prototip u omjeru 1:1 izvedbenom rješenju nagrade uz obrazloženje simboličkog značenja i sadržaja rada;
2. Opis idejnog rješenja i načina realizacije skulpture nagrade u njenom konačnom i željenom materijalu i Izjavu autora;
3. Prijavni obrazac s podacima o autoru/ima,
4. Saglasnost o upotrebi ličnih podataka autora idejnog rješenja

Prijava na Javni konkurs predaje se lično ili putem pošte i dostavlja se u neprozirnim, zatvorenim kovertama (omotu), sa identifikacionom šifrom u uglu omota, koja se upisuje u desnom gornjem uglu omota (sastoji se od tri slova i tri broja) sa naznakom na sredini.

Ministarstvo za ljudska prava i izbjeglice Bosne i Hercegovine

Trg Bosne i Hercegovine broj 1

71 000 Sarajevo

Sa naznakom: „**JAVNI POZIV ZA IZRADU IDEJNOG RJEŠENJA SKULPTURE NAGRADE „DENIS MRNJAVAC“ ZA PROMICANJE TOLERANCIJE I NENASILJA – NE OTVARAJ**”

Autori svoje konkursne radove dostavljaju sa identifikacionom šifrom koja se sastoji od tri slova abecede i tri broja, (veličine 2 cm), koja se upisuje u desnom gornjem uglu omota konkursnog rada.

Svako drugo označavanje konkursnog rada, a koje bi moglo ugroziti anonimnost autora povlači isključivanje konkursnog rada iz postupka ocjenjivanja. Odluku o tome donosi Komisija za odabir najboljeg idejnog rješenja.

Autori konkursni rad/ponudu dostavljaju u dvije zapečaćene koverta sa naznakom:

„AUTOR“ i „KONKURSNI RAD“.

U koverti „AUTOR“ dostavljaju se prijavni obrazac s podacima o autoru/ima i saglasnost o upotrebi ličnih podataka autora idejnog rješenja.

U koverti „KONKURSNI RAD“ dostavlja se idejno rješenje skulpture u fizičkom obliku – prototip u omjeru 1:1 izvedbenom rješenju nagrade uz obrazloženje simboličkog značenja i sadržaja rada i opis finalne izvedbe skulpture nagrade u njenom konačnom i željenom materijalu (uz opis načina/metode njene realizacije u tom materijalu) i Izjavu autora.

Ministarstvo za ljudska prava i izbjeglice Bosne i Hercegovine nije obavezno vraćati konkursne radove autorima, a autori mogu svoje radove podići kod Ministarstva za ljudska prava i izbjeglice Bosne i Hercegovine 15 dana nakon zaključenja konkursa, odnosno nakon podnošenja pismenog zahtjeva za vraćanje konkursnih radova.

Ministarstvo za ljudska prava i izbjeglice Bosne i Hercegovine nije dužno čuvati konkursne radove koji nisu izabrani.

Rok za podnošenje prijedloga idejnog rješenja je 60 dana od dana objavljivanja Javnog poziva na internet stranici Ministarstva za ljudska prava i izbjeglice Bosne i Hercegovine. Nepotpuni i neblagovremeni prijedlozi za dodjelu nagrade neće se razmatrati.

Za sve dodatne informacije kontakt osoba je gđin Adnan Jasika telefon 033/703-961 ili email-adnan.jasika@mhrr.gov.ba.

VI. Rok za prijavu na Javni konkurs je 01.10.2024. godine.

VII. Odluka o najuspješnijem radu

Na osnovu dostavljenih prijedloga Komisija za odabir najboljeg idejnog rješenja odabrat će i novčano nagraditi najbolje idejno rješenje koje će se koristiti kao skulptura nagrade „DENIS MRNJAVAC“ ZA PROMICANJE TOLERANCIJE I NENASILJA.

Konačna odluka o odabranom i nagrađenom idejnom rješenju bit će donesena u roku od dvadeset (20) dana od dana zatvaranja javnog konkursa.

Rezultati Javnog konkursa bit će objavljeni na internet stranici Ministarstva za ljudska prava i izbjeglice Bosne i Hercegovine.

VIII. Novčana nagrada za nagrađeni rad

Ministarstvo za ljudska prava i izbjeglice Bosne i Hercegovine će najbolje idejno rješenje nagraditi novčanom nagradom u iznosu od 4.000KM.

IX. Obaveze nagrađenog autora

Autor odabranog idejnog rješenja obavezuje se potpisati Izjavu o prelasku autorskih prava nagrađenog idejnog rješenja u vlasništvo Ministarstva za ljudska prava izbjeglice Bosne i Hercegovine

Autor nagrađenog idejnog rješenja se obavezuje da će saradivati na procesu finalne izrade skulpture nagrade „DENIS MRNJAVAC“ ZA PROMICANJE TOLERANCIJE I NENASILJA.

X. Završne odredbe

Predajom prijave autori pristaju na Opće uslove Javnog konkursa.

Ministarstvo za ljudska prava izbjeglice Bosne i Hercegovine dužno je sve do objave rezultata Javnog konkursa držati u tajnosti sve podatke o pristiglim konkursnim radovima.

XI. OPIS LIČNOSTI ČIJE IME NOSI NAGRADA

Denis Mrnjavac (22.12.1991. – 05.02.2008.)

Denis Mrnjavac je bio učenik drugog razreda Katoličkoga školskog centra u Sarajevu koji je 05. februara 2008. godine na povratku iz škole u tramvaju garažnog broja 209, napadnut od strane tri maloljetna delikventa. Tom prilikom Denisu su nanesene teške tjelesne povrede od kojih je dan kasnije i preminuo.

Njegova prerana mladost postala je simbol pobune građana prema maloljetničkoj delinkvenciji.

XII. Prilozi

1. Prijavni obrazac – ispunjavaju svi autori koji prijavljuju svoj rad na Javni konkurs.
2. Saglasnost o upotrebi ličnih podataka.

Napomena:

Prilozi se nalaze na internet stranici Ministarstva za ljudska prava i izbjeglice Bosne i Hercegovine.

Broj:01-02-2-110-23/24

Datum:29.07.2024.godine

Dokumenti:

- Saglasnost o upotrebi ličnih podataka,
- Prijavni obrazac – Javni konkurs za izradu skulpture



Saglasnost o upotrebi ličnih podataka

Svojim potpisom dajem saglasnost Ministarstvu za ljudska prava i izbjeglice Bosne i Hercegovine za prikupljanje i obradu ličnih podataka navedenih u Prijavnom obrascu na Javni konkurs za izradu idejnog rješenja skulpture nagrade „DENIS MRNJAVAC“ za promicanje tolerancije i nenasilja, u svrhu objavljivanja istih na web stranici ministarstva i spominjanja imena i prezimena u prilikama na kojima se predstavlja autor/autorica skulpture a shodno Zakonu o zaštiti ličnih podataka („Službeni glasnik BiH“, br: 49/2006, 76/2011 i 89/2011).

Ime i prezime autora/autorice:	
Mjesto i datum:	
Svojeručni potpis:	

**Prijava na
Javni konkurs za izradu idejnog rješenja skulpture
nagrade „DENIS MRNJAVAC“ za promicanje tolerancije i nenasilja**

I. PODACI O AUTORU / AUTORIMA

*Kod prijave tima potrebno je popuniti podatke za svakog člana tima.

**Kopirajte tabelu onoliko puta koliko ima članova u timu.

Ime i prezime:	
JMB:	
Mjesto, datum i godina rođenja:	
Mjesto i adresa stanovanja:	
Kontakt mobitel/telefon:	
Kontakt e-mail:	

Ime i prezime člana tima koji zastupa cijeli tim: (ispuniti kod prijave tima)	
--	--

II. OPIS IDEJNOG RJEŠENJA

PRIJEDLOG IDEJNOG RJEŠENJA

1. Opišite svoj prijedlog izgleda skulpture do 500 riječi.

--

2. Navedite svoj prijedlog materijala koji su prikladni za izradu Vašeg idejnog rješenja skulpture.

--

III. IZJAVA AUTORA

***Kod prijave tima izjavu potpisuje svaki član tima.**

Svojim potpisom potvrđujem da sam lično izradio/izradila konkursno idejno rješenje koje prilažem ovoj prijavi na Javni konkurs i da sam njegov/a autor/autorica.

Također, potvrđujem da sam pročitao/pročitala Opće uslove Javnog konkursa i da sam s njima saglasan/saglasna.

Ime i prezime autora/autorice:	Svojeručni potpis:

Mjesto i datum: _____